

SHE PRADDAG VRAEW ACCYRYSAGH V'ESHYN

Va ooh beg ny lhie er duillag, ayns soilshey ny h-eayst.

Jirree yn ghrian vlah moghrey Jedoonee dy row, as - polt! - haink praddag feer veg as feer accyryssagh magh ass yn ooh!

Ghow eh toshiaght er jeeaghyn son bee. Dee eh trooid un ooyl Jelune, agh va accryst foast er.

Dee eh trooid daa pheear Jemayrt, agh va accryst foast er.

Dee eh trooid tree plumbisyn Jecrean, agh va accryst foast er.

Dee eh trooid kiare sooghyn thallooin Jerdein, agh va accryst foast er.

Dee eh trooid quieg oranjebyn Jeheiney, agh va accryst foast er.

Dee eh un veer dy verreen shocklaid, un chughlin key riojey, un veer dy chaashey Elveishagh, un veer dy halami, un vaidjey millish, un veer dy phye hillish, un phronnag, un vuffin as un veer dy velon ushtey Jesarn. Va chingys ghailley er yn oie shen!

She Jedoonee va'n nah laa reesht. Dee y phraddag trooid un duillag ghlass, as v'eh gennaght ny share lurg shen.

Cha nee praddag accyryssagh v'eshyn ny yei shen as cha nee praddag veg v'eshyn ny yei shen. She praddag vooar as roauyr v'eshyn.

Ren eh thie beg, enmyssit cocoon, mygeayrt y mysh. Hannee eh sthie son ny smoo na daa hiaghtin. Eisht ren eh shuilgey towl ayns y chocoon, ghleck eh magh as...

...she foillycan aalin v'eshyn!

Feyshbyn er yn skeeal

1 C'raad va'n ooh beg ny lhie?

2 Cre gollrish va'n phraddag tra haink eh magh ass yn ooh?

3 Cre dee eh Jelune?

4 Quoid oranjeyn dee eh Jeheiney?

5 Cre'n sorçh dy verreen dee eh Jesarn?

6 C'red va jannoo er oie Jesarn?

7 Cre'n agh t'eh gennaght lurg da gee yn duillag ghlass?

8 Cre'n ennym v'er yn thie beg echey?

9 Quoid dy hraa hannee eh ayns yn chocoon?

10 Cre ghleck magh ass yn chocoon?